

CAPUT XX

signa, quibus ardens ab aliis distinguitur febribus, adducit.

Convenientiam cum quibusdam aliis febribus magnam in certis partibus cum habeat ardens, summam opus diligentiam & circumspeditione, ne confundatur cum aliis.

I. A SYNOCHA PUTRI SANGUINEA (1.) ratione materiae biliosae distinguitur. Ardens ex flavâ bile putrescente accenditur; Synochos verò ex putrefactô sanguine conflatur, teste *Aetio tetrabibl. 2. serm. 1. cap. 77.* (2.) In synochâ calor non est adeò urens, nec sitis adeò inextinguibilis, quemadmodum in ardente, in quâ vix sedari potest, longâ etiam potione. Nam quò plus sunt potæ, plus sitiuntur aquæ. (3.) Accessionibus quoque differt. *Synochos* sola inter putridas accessionibus & repetitionibus caret, ideò quia materia non movetur de locò ad locum, nec ex venis majoribus ad minores detruditur, sed unâ tantum accessione febris terminatur. *Ardens* verò, quamvis non declinet, suas patitur exacerbationes de tertio in tertium, juxta *Galenum 2. de crisibus cap. 3.* ob materiae ex majoribus in minores venas transmissionem.

II. A BILIOSA SYNOCHA iisdem ferè signis dignoscitur ardens, cum hæc à bile flava excrementitiâ; illa à bile alimentali, quæ nihil aliud est, quàm sanguinis calidior pars, originem ducat.

III. A LIPYRIA differt in hoc, quod horum corpora exterius per totum morbi decursum frigeant; in ardente verò frigus non ita, nec semper est intensum. Lipyriam comitatur inflammatio & exustio intolerabilis interna: in ardente nullum præcedit inflammationis signum.

IV. A TERTIANA INTERMITTENTE distinguitur, quod in hac calor remittat, in ardente verò pertinaciter duret.

F 2

V. A